

朱希祖日記

中
冊

朱希祖文集

中
華
書
局

閱覽

朱希祖日記

中冊



K825.81=6

20125

2

朱希祖文集

中華書局

1935 年

1 月 1 日

上午與家人談話消遣。午後大兒、大媳、孫女寧兒來。夜羅香林來，言已租定新寓，在大石橋新民坊九號。

1 月 2 日

晨下雨，本擬束裝赴上海，並至蘇州謁章師太炎先生，因雨不果。乃乘放假之暇撰《王廷秀高宗六龍幸海記考證》，至夜十一時寫成八葉。

1 月 3 日

上午撰《高宗六龍幸海記》八葉，全篇告成。傍晚編譯館員何維凝來，暢談搜輯鹽政史料。去夏曾介紹彼至北平圖書館參考明代鹽政各志書及清代鹽政檔案。據彼談明清兩代鹽法志書統計約有百五十餘種，擬先撰一《鹽政史籍考》。夜校宋李正民《乙酉航海記》（《三朝北盟會編》卷一百三十四）、《揮塵三錄》卷一作李正民《乘桴記》，以兩本相校，各有脫誤，擬錄一校定本。

1 月 4 日

上午至夜均撰《僭偽張邦昌傳考證》，夜與菊女校《僞楚錄》

稿。是晚繆贊虞來。

1月5日

上午九時半至中央大學，十時至十二時授課。午後撰《僭偽張邦昌傳考證》，夜同。是日張菊生寄贈景印稿本

《茗齋集》（七種三十二卷，海鹽彭詒孫撰，景印稿本）三十四冊

1月6日

上午寫張菊生及黃仰旂書。午後率菊女及倥兒至新民坊羅香林新寓，約談一時餘；又至繆贊虞寓，不遇。回家與內子及菊女、倥兒至國府東首看租房屋，適張貴永來，未晤；又雲南甘銘及陳時策二舊生來，亦不遇。夜閱鄭板橋家書十餘篇，頗有透徹創解。

1月7日

上午至夜撰《僭偽張邦昌傳》成。夜與菊女校《僞楚錄》稿。

1月8日

上午九時半至中央大學，十時至十二時授課。午後至丹鳳街訪汪旭初，又至沙塘園訪蔣慰堂，又至中央大學借《靖康要錄》。夜撰《僞楚錄輯補自序》半篇。

1月9日

上午寫小峰兄及萊仙叔祖信，並寄萊仙叔祖銀五元。撰《僞楚錄輯補自序》，下午四時序成。夜寫梁嘉彬信，閱《文選》古詩。

1月10日

上午九時至中央大學，摘錄《元史講義》，十時至十二時授課，

元史講義授畢。午後及夜撰《孔彥舟傳長編》四葉，閱外交論文兩篇。

1 月 11 日

上午出學期考試試題，至中央大學付印，並託姚琴友監考，領講義紙。午後及夜句讀《僞楚錄輯補》一卷。夜羅香林來，十時去，

1 月 12 日

九時內政部中央古物保管委員會開常務會議。中午傅沐波譙委員及科長、科員於美麗飯店，仍回部開會，至五時始散會。是日內政部派王榮佳列席。王君字毓生，廣東東莞人，前為北京大學國文系畢業生，曾受余課。夜與菊女清查自廣東至南京後購書數目，分類統計。

1 月 13 日

來復日休息。上午草辛樹幟信，介紹《廣東十三行考》於編譯館。午後至考試院訪徐冕百、沈士遠、潘廉聲三君。潘君為余二十年餘前日本留學時同學，回國後未嘗會晤。乃談湖州陸心源後人捐公書籍中尚有舊抄善本甚多，擬日後約潘君同去參觀。又云陸氏所藏六朝古磚尚存。夜結算本年購書共二百二十種，銀三千五百元，其中善本書四十二種，南明史料十四種，太平天國史料九種，地方志四十五種，海鹽先哲遺著及本家著述二十五種，普通書八十五種，《四部叢刊續編》五百冊。

1 月 14 日

上午寫編譯館館長辛樹幟信，介紹梁嘉彬撰《廣東十三行考》；

又寫守先弟信，寄贈銀二十元；又寫黃仰旃信，寄去銀五元，托購：

先高祖遲農公中式舉人硃卷（嘉慶戊午科）一冊

《指顧錄》一卷（爲海鹽貪令顧德恒作，海鹽黃氏銀花藤館鈔本）一冊

《小春文飲序》（明嘉靖庚戌方泰撰，手書，方爲海鹽指揮）一葉

《雲南叛回反對議和書》（回人，不著名氏，同治原稿）一葉

午後及夜句讀《僞楚錄》。

1月15日

上下午俱句讀《僞楚錄》，傍晚始完。夜校對《楊么事蹟考證》上卷。

1月16日

上午校對《楊么事蹟考證》下卷，午後二時半始校完。至中央大學取信。約傅沐波於八時至其寓。四時閱《歷代帝王宅京記·建康篇》自吳至陳，覺未詳備，當以《禁區》一書參考之。

1月17日

上午至中央大學訪楊滌群（寓山西路頤和路五號）。午後至四象橋狀元境一帶舊書店觀書，翰文書店有《皇明經世文編》一部，約明日去觀。夜閱《竹窗解頤雜錄》二卷，中載南明及海鹽事甚多。

1月18日

上午整理明代詩文集。至中央大學晤楊滌群，委購名人詩文集

三種。午後三時至內政部古物保管委員會開南京古物古蹟調查委員會，議決於本月二十七日調查青龍山梁、陳陵墓。散會後各委員同至夫子廟後尊經閣舊址。據《白下瑣言》謂吳《天璽紀功碑》舊藏尊經閣，嘉慶時毀于火，蓋埋沒閣址土堆中。今觀土堆甚高，上有亭基六角石階猶存，四周樹已成數圍，是否即係閣之舊基尚屬疑問。因土堆前數丈今之尊經閣尚在焉。至狀元境，偕翰文書店派人同至一書棧閱《皇明經世文編》，共訂九十六本，完全無缺損，索價銀千元，擬請中央圖書館籌備處購此書。

1 月 19 日

九時率內子等至毘廬寺參觀萬佛樓。又偕德人及大兒至明徐中山王東花園及長板橋舊院故址，又至白鷺洲，衰柳蕭疏，水煙凝碧，園林門巷，蕩滅無蹤。乃步行至南門，而大功坊亦杳渺無存矣。乘車回家午餐，倦甚略睡。五時舊友李翼廷名貽燕來（住將軍巷七號），代編譯館長辛樹幟來請於二十八日上午至館講演，並索《廣東十三行考》稿本一觀。夜預備明日赴上海行李。閱《上江兩縣志》，謂孔廟尊經閣後有苑，有土山曰衛山，故尊經閣燼餘三段碑（即《天璽紀功碑》）碎石及聖賢舊像所藏也，然則昨日所觀土山確係吳碑埋藏之處，可試發掘也，乃發裘善元信，告知此事。

1 月 20 日

六時起，八時乘京滬車赴上海。車中閱葉昌熾《語石》二卷，三時抵上海，寓三馬路新惠中旅館。略休息即至三馬路舊書店購書。

1 月 21 日

上午至極司非爾路四十號訪張菊生先生，以《僞楚錄輯補》四

冊託交商務印書館，與《偽齊錄校證》合印。午後至商務印書館訪何柏丞，慫恿余編一秦史，因與暢談秦史重要事件。又至各舊書鋪訪書。晚張梁任請至新雅讌叙，同席者有何柏丞、蔣百里、蔣慰堂等。九時至中國書店購得：

《道光嘉興府志》六十卷（于尚齡纂，道光二十年刊本）四十冊，40 元

《天發神識碑考》一卷（清周在浚撰，續考一卷，汪照撰，補考一卷，羅振玉撰，丙寅印本）一冊，0.9 元

《續竹人錄》一卷（餘杭褚德彝撰，庚午刊本）一冊，0.4 元

癖泉書屋所藏泉幣書目一卷（上元宗惟恭撰，宗氏刊本）一冊

又至二酉書店購得：

《吳氏藏書囊》三十種（震澤吳燕蘭輯其鄉先哲著書，手鈔本）廿一冊，11 元

《滇緬劃界圖說》一卷（無錫薛福成輯，光緒壬寅印本）一冊，0.5 元

《牟山湖志》一卷（餘姚劉福升撰，光緒二十五年刊本）一冊，0.5 元

《餐芍花館遺藁》詩八卷，文三卷，隨筆二卷（陽湖周騰虎撰，稿本）四冊，3 元

又至受古書店購得：

《吳越備史》四卷，補遺一卷（康熙戊午刻本）二冊，10 元

《棲霞寺志》二卷（釋渾融輯，附《浩氣吟》）四冊，3 元

又至漢文淵書肆購得：

《甬上族望表》二卷（鄞全祖望撰）一冊，0.5 元

《楊勇愨公事略》（稿本）九冊，4.5 元

又至博古齋購得：

《偽齊錄》二卷（藕簪拾零本）一冊，0.5 元

《大金弔伐錄》四卷（石印大字，守山閣叢書本）二冊，
1 元

《禁區》五卷（元王士點撰，石印棟亭十二種本）二冊，
1 元

阮元翻刊《天發神識碑》一份，

阮元翻刊《泰山二十九字》一份

上兩種共 2 元

1 月 22 日

晨乘京滬車赴京，車中閱《語石》一卷，三時回寓。夜與菊女校閱稿本。時二兒侃已於二十一日由通州來京。同居陸姓亦於二十一日遷至安徽省城。

1 月 23 日

閱中央大學考試卷。午後至狀元境看書。夜寫靜侯叔祖及小峰兄信。是日購得梁、陳碑拓二十餘種。

1 月 24 日

上午寫抱經堂及中國書店信。至中央大學交試卷，並交楊滌群明人集三部。午後至中國銀行匯抱經堂書款銀六十五元、中國書店書款銀四十一元。至翰文書店看書。回寓始開始校《秦會要》。夜跋新購《吳氏藏書囊》中《嗇庵手鏡》一篇，並與菊女校《秦會要》。

1月25日

上午校《秦會要》，下午同。傍晚至翰文，略談《皇明經世文編》及《平定粵匪擒匪方略》價，未成。夜羅香林來。跋《吳氏藏書囊》中《半生自紀》一篇、《半淞詩存》一篇、《漢槎友札》一篇、《畿輔紀聞》一篇、《湖濱匪災紀略》一篇。是日楊滌群退回明人詩集一種，乃寫楊信及張菊生信，因是日亦接張菊生一信也。

1月26日

上午校《秦會要》。下午二時至古物保管委員會開會，五時散會。至萃文書局還書款一百元。夜與菊女校《楊么事蹟考證》序及表。

1月27日

晨六時起，七時抵內政部偕滕固、黃文弼、裘善元、羅香林、劉國鈞、李小緣及大兒偁，德人、奧人各一，並其他五六人分乘汽車五輛赴青龍山一帶調查梁、陳古墓。先出高橋門，約四五里，地名石馬沖，陳武帝陵在焉，僅存天祿、辟邪二。陵西高阜有明正統四年、景泰六年墓碑二，正統碑已不知姓名，景泰碑額題“副都御史宋公神道碑”。又至上坊鎮，下車步行約三四里，得梁墓一，僅存墓闕一，惟“梁故”二字可見，天祿、辟邪二，形制較小，不知梁代何人，地名侯村，此則前人所未見也。又行里許，至下宋墅村，有梁故侍中仁威將軍新渝侯之神道闕一，舊稱梁蕭暎墓。墓東上宋墅村多張姓住宅，建築精美，雕刻磚石多古雅，建自明代，惜石刻人物多為太平天國時兵士鑿去人頭，皆不完整，偶有未毀者則皆明代衣冠也。自上宋墅村南行約里許，地名劉家邊，接引庵前有

梁蕭正立墓，天祿、辟邪二，石闕二，題“梁故侍中左衛將軍建安敏侯之神道”，東闕字左行，西闕字右行，考正立爲臨川王宏子。各陵墓皆測量、攝影、拓字。至此已二時餘，乃步回上方鎮乘車至淳安鎮食麵包等物。大兒偕與外人二別至一處，地名官塘，又發見梁墓闕二埋於地下，僅露其頂，亦不知何人墓，將來擬至此處發掘。三時半由淳安鎮回城，五時抵寓。夜與大兒閱《梁書》，考蕭暎事，《梁書》蕭憺子暎，《建康實錄》載暎事尤詳，《南史》有傳。草《中國翻譯佛經述略》講演稿一篇。

1 月 28 日

八時半李貽燕君來，請至國立編譯館講演，乃與李君及劉英士君同乘汽車至館講演《中國翻譯佛經述略》。講畢後，英士又請略述調查宋、齊、梁、陳古陵墓狀況。乃與辛樹幟館長參觀編譯書籍成績。遇舊友潘尊行。何柏丞自上海來，亦至館，乃同何君乘汽車回寓。午後補寫日記，略睡休養。夜作錢泳《金塗銅塔考跋》、《鐵券考跋》、《銀簡考跋》，皆吳越錢氏物也。

1 月 29 日

上午至內政部訪傅沐波談古物運英展覽事，並閱滕固所擬《致教育部建議古物運英應注意事項三事書》，並催沐波速辦《中央古物保管委員會月刊》，以免委員等研究古物等著作在他處發表。至翰文書局購得：

《金陵兵事彙略》四卷（江寧李圭撰，光緒十四年刻本，記洪楊事）二冊，1 元

午後即閱《彙略》。夜摘記《彙略》中所載太平天國禁城宮殿及石船遺蹟。天王府爲李秀成發令焚燒，一切珍寶財物皆付之一炬，其他王府也同時發令焚燒，宜乎曾氏必欲殺之也。

1月30日

晨至中央飯店訪何柏丞，適滕若渠亦來，乃與其共乘汽車回寓。裘善元來，言欲至北平。旋古物保管委員會派測量員來，乃偕至國府周圍測量。太平天國禁城遺址東自黃家塘至利濟橋，西自西箭道至大行宮，南至科巷，北至楊吳城河河道，東至太平橋，西至浮橋。然此爲內城，其外城周圍十里，故特囑測量員放大範圍繪一詳圖，已備考定太平天國禁城宮殿時作沿革圖也。午後三時率大兒僕、四兒偕至國民政府行政院訪滕若渠參事，因上午約定同至國府考察太平天國遺蹟遺物也，滕君因事未能去，乃派員同至國府，所派者章君承先名耀祖。即從行政院內轉入國府，訪秘書沈勉後名礪，松江人，導至國府後園，觀新掘出之舊井二，井欄已破，無文字花紋。乃至國府圖書館前，籬外池塘水閣已劃歸參謀本部，謂其中有洪秀全石船。李圭《金陵兵事彙略》卷一謂殿東有牆一圍，鑿池於中，池中以青石砌一船長十數丈，廣六七丈，備極工巧。今按其地蓋在殿西，李氏蓋未嘗親見也。乃請沈君介紹至參謀本部一觀石船。沈君託圖書館員王君同去。乃先周覽國府內部，出大門折西，入參謀部本部大門，由副官某導入花園，中有長方池，青石爲塘，約二畝餘，西畔有漪瀾閣，其北水中亦有小殿，東西有二石環橋通之，殿后亦有水，正對國府圖書館，殿南一二十丈，水中有石船，長約四五丈，廣丈餘，李氏誇大言之，實未見其船也。船身首尾皆以青石砌成，窗檻門篷皆用木製，其頭正對水殿，停於水之中央，由漪瀾閣南畔通以小橋，池東畔亦有小閣臨水，其南山石玲瓏，疑亦洪氏遺物也。乃攝景四幀而歸。池南高聳者爲夕佳亭，漪瀾閣外牆上嵌端方所覆刻《天發神讖碑》，爲翻刻本之最佳者。夜閱《上江兩縣志》所載太平天國遺蹟。

是日中午程天放等歡迎上海十教授文化宣言代表何柏丞，特邀

集南京政學兩界四十九人譙談文化，余以文化二字寬廣無涯，所謂文化事業從何談起？欲結此種團體，徒以供政客之虛聲奔走也而已，故不赴。

夜赴金陵大學文學院張劉國鈞讌，與黃季剛同席。彼謂棲霞山無量壽佛首後有梁阮孝緒題名，此則聞所未聞，擬將來去拓一墨本。季剛又言：“章太炎師對人言，‘余有五弟子，黃侃可比太平天國天王，汪東爲東王，錢玄同爲南王，朱希祖爲西王，吳承仕爲北王。’”蓋以余與玄同傾向新文學，乃以早死之南王、西王相比也。

1 月 31 日

上午指導測量員去測量太平天國禁城遺址。碑帖店送來：

張氏味欖齋太平天國錢拓本（十九品），一冊，1 元

梁大同三年劉仁忠造像拓本，一幀，1 元

漢元狩元年磚拓本，一幀，0.3 元

吳黃武四年磚拓本，一幀，0.3 元

吳黃武六年花磚拓本，二幀，1 元

吳黃龍三年磚拓本，一幀，0.3 元

吳甘露元年磚拓本，一幀，0.3 元

宋元嘉廿三年磚拓本，一幀，0.3 元

齊永明二年磚拓本，一幀，0.3 元

梁太清二年磚拓本，一幀，0.3 元

晉咸和三年李大中買地券拓本，一幀，1 元

吳黃武七年劉崑買地券拓本，一幀，1 元

漢興平二年毛玉買地券拓本，一幀，1 元

梁天監三年喬進臣買地券拓本，一幀，1 元

梁大同九年井欄題字拓本，一幀，1.5 元

陳至德元年胭脂井欄題字拓本，一幀，1 元

陳至德元年湧金井欄題字拓本，一幀，1 元

蕭梁石刻（十七種），2 元

銅雀宮花磚拓本，五幀，1.5 元

能仁寺磚拓本（南唐），一幀，0.3 元

建康府（朱二）磚拓本，一幀，0.3 元

高源太守西鄉侯陳府君墓磚拓本，一幀，0.3 元

建隆元年加興磚拓本，一幀，0.3 元

王仲升妻陸氏磚拓本，一幀，0.3 元

太平天國錢（大小四品），3 元

南唐徐鉉、徐鍇題名篆字（棲霞山千佛巖）一幀，0.2 元

宋胡恢題名篆字（同上），一幀，0.1 元

卞壺墓碑（宋人題）一幀，0.2 元

午後閱《洪武京城圖志》及《上江兩縣志》、《明宮城圖說》。
夜與菊女校讀《偽齊國志·年表》。

2 月 1 日

七時偕大兒及德人、奧人至句容石獅子梁蕭績墓。出中山門，過孝陵衛及湯山陸軍炮兵學校，至新塘村始下汽車，向南對赤山而行，過紅塘村元慶庵（有康熙辛巳匾刻），至石獅子約十二里。有辟邪二，全身呈露，頭無角而兩耳有孔，足登石磴，係獅足而非鹿蹄類，尾長而末端著地，無茸毛。後有東西雙闕題“梁故侍中中軍將軍開府儀同三司南康簡王之神道”，東闕字右行，西闕字左行。上有圓頂，頂上各小辟邪一，在東者甚完整，文字清晰，石獸完全，梁墓中之最完美者。墓道正對赤山，東距句容縣治十五里。十一時一刻步行回新塘村，十二時二刻啟車返京。午後略睡。夜羅香林來。

2 月 2 日

上午補寫日記。午後考“神道”二字之來歷，劉寶楠《漢石例》言之頗詳。午後閱《建康實錄》大略，知其中言六朝土地、山川、城池、宮苑最詳。夜以顧炎武《歷代帝王宅京記·建康》一卷閱之，知顧氏未見《建康實錄》也，乃令菊女摘錄《實錄》中六朝陵寢所在地，實較近代所考詳明多矣。

2 月 3 日

上午至山西路頤和路訪楊滌群，未遇。午後至狀元境保文堂還書款。又至四象橋翰文書店購得：

《建康實錄》二十卷（唐許嵩撰，光緒二十八年甘元煥校刊本）六冊，4 元

《六朝事蹟類編》十四卷（宋張敦頤撰，附考證一卷，道光金陵張氏重刊宋本）四冊，4 元

《靈巖志》六卷（清馬大相輯，康熙丙子刊本，山東）四冊，4 元

《光緒安東縣志》十五卷（余光祖纂，光緒元年刊本）四冊，6 元

是日爲陰曆除夕，以香花供奉祖先，爲小兒輩講述祖先事蹟。

2 月 4 日

爲陰曆正月一日。上午閱《建康實錄》，許嵩自序云：

《建康實錄》具六朝君臣行事，事有詳簡，文有機要，不必備舉。若土地、山川、城池、宮苑，當時制置，或互興毀，各明處所，用存古蹟。其有異辭別聞辭不相屬，則皆注記，以蓋見知。

余觀其書知嵩於六朝古蹟言之特詳，張敦頤之《六朝事蹟類編》、顧炎武之《歷代帝王宅京記》皆遠不及，（顧炎武有《建康古今記》十卷，未見），因將《實錄》細讀一過，凡言古蹟處以硃筆標點，用備將來類抄成冊，以供省覽。午後舊在日本同學潘廉聲、徐勉百來，潘君贈余《吳興圖書館書目》（陸氏守先閣捐助書目一，凌氏鴻術堂捐助書目一）二冊。是日共閱《建康實錄》四卷，適完吳一代。

2月5日

上午至中央大學，晤楊滌群，贈彼康熙刻本詩集二冊。又晤羅志希，勸其為校中購《皇明經世文編》一部。蕭一山、黎錦熙先後承顧。午後閱《建康實錄》，至夜共閱三卷。

2月6日

上午閱《建康實錄》一卷。午後下雪。閱《實錄》，至夜共閱一卷。羅香林及大兒來談甚久。

2月7日

上午閱《建康實錄》一卷。午後率內子、菊女至居安里童宅看屋，擬遷居。又至繆贊虞家略談，又至中央飯店訪黎錦熙，則已回北平矣。夜閱《實錄》一卷。

2月8日

上午閱《建康實錄》一卷，午後及夜又閱一卷。本日午後三至四時與菊女校書一卷。

2月9日

上午中央大學開課，至校。午後至夜閱《建康實錄》二卷。

2 月 10 日

來復日，雨雪。上午至傅沐波處談天一小時。又至德奧同學會訪蕭一山，未遇。又至將軍巷七號訪李翼庭，略談即回寓。午後至考試院訪徐勉百，偕至沈士遠處談一小時，又偕至陳百年處談半小時，又偕至潘廉聲處，未晤，乃回寓。夜閱《建康實錄》一卷，適閱完齊代。按《齊紀》在《實錄》中最略，傳亦缺十餘人，宋代則多採裴子野《宋略》，文最精美。

2 月 11 日

上午閱《建康實錄》一卷，下午又閱一卷，夜又閱一卷。是日檢出舊日筆記，有：

宋代金石叢錄目

洪邁《容齋隨筆》四十五條

張淏《雲谷雜記》十三條

王明清《揮塵錄》二十四條

王明清《玉照新志》二條

僧洪惠《冷齋夜話》二條

何蘧《春渚紀聞》六條

陸游《老學庵筆記》二十三條

張端義《貴耳集》六條

歐陽修《歸田錄》三條

王君玉《國老談苑》一條

王元度《道山清話》三條

劉延世《孫公談圃》二條

僧文瑩《湘山野錄》十四條

黃休復《茅亭客話》一條